

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U TEŠNJU

Broj: 39 0 K 078181 25 K  
Tešanj, 06.10.2025. godine

**U IME FEDERACIJE BOSNE I HERCEGOVINE!**

Općinski sud u Tešnju, po sudiji Bajraktarević Zijadu uz učešće zapisničara Mujezinović Mediha, u krivičnom predmetu protiv optuženog H. S. zv. "Z." sin M., zbog krivičnog djela sprječavanje službene osobe u vršenju službene radnje iz člana 358.stav 3.u vezi sa stavom 1. Krivičnog zakona Federacije Bosne i Hercegovine a po optužnici Kantonalnog tužilaštva Zenica broj T04 0 KT ... 25 od 04.08.2025. godine, nakon održanog glavnog pretresa, dana 03.10.2025. godine, u prisustvu Kantonalnog tužioca, optuženog i branioca optuženog Tabaković Alme advokata iz Zenice, donio je i javno objavio slijedeću

**P R E S U D U**

Optuženi: **H. S.** zvani Z., sin M. i majke J. rođene I., rođen ... godine u Tešnju, nastanjen u mjestu Šije broj ., općina Tešanj, pismen, posjeduje SSS, po zanimanju metalostrugar, zaposlen u privrednom društvu „Z.“ d.o.o. Šije, Tešanj, oženjen, otac troje djece, prosječnog imovnog stanja, Bošnjak, državljanin BiH, JMB: ..., osuđivan presudom Općinskog suda u Zavidovićima broj: 42 0 K ... 22 K od 27.04.2023. godine za krivično djelo iz člana 371 stav 1 KZ F BiH, krivično djelo iz člana 183 stav 1 KZ F BiH i krivično djelo iz člana 239 stav 3 KZ F BiH, na jedinstvenu kaznu zatvora u trajanju od jedne godine, presudom Općinskog suda u Tešnju broj: 39 0 K ... 23 K od 06.04.2024. godine za krivično djelo iz člana 294 stav 1 u vezi sa članom 55 KZ F BiH, na kaznu zatvora u trajanju od osam mjeseci, uvjetno dvije godine, zastupan po braniocu Tabaković Almi advokatu iz Zenice, nalazi se u pritvoru po rješenju Općinskog suda u Tešnju broj 39 0 K ... 25 Kpp od 24.07.2025. godine kojim rješenjem mu je određen pritvor u trajanju od mjesec dana počev od 22.07.2025. godine od 10,05 sati i koji pritvor mu je produžen za najduže jednu godinu rješenjem Općinskog suda u Tešnju broj 39 0 K ... 25 Kv2 od 24.07.2025. godine i isti pritvor traje do 07.08.2026. godine.

**K r i v j e**

Što je:

dana 18.07.2025. godine, oko 18,00 sati, na području općine Doboju Jug, dok je upravljao putničkim vozilom marke „A.“, na kojem su se nalazile nepripadajuće registarske oznake ..., krećući se magistralnim putem M-17 Doboju-Zenica, iz pravca Doboja prema Zenici, nakon što se u mjestu M., općina Doboju Jug, oglašio o izričitu naredbu policijske patrole PS Doboju Jug da zaustavi svoje vozilo zbog počinjenog prekršaja iz oblasti bezbjednosti javnog prometa koju patrolu su činili policijski službenici Gavrić Franjo i Kahrmanović Mehmed koji su postupali po patrolnom nalogu PS Doboju Jug broj: ... od

18.07.2025. godine, i nakon što se užurbano sa vozilom nastavio dalje kretati prema Zenici, da bi potom, kada je policijski službenik Gavrić Franjo sjeo u policijsko vozilo i sa uključenom svjetlosnom i zvučnom signalizacijom krenuo za njim kako bi ga isključio iz saobraćaja i nad njim izvršio policijsku kontrolu i kada ga je nedaleko odatle bio sustigao na autobuskom stajalištu koje se nalazi sa desne strane puta i sa policijskim vozilom mu bio preprečio put te kada je sa ispruženom desnom rukom izašao iz policijskog vozila i izdao mu jasnu i glasnu naredbu „Stop, pucat ću“, ponovo se oglušio o tu njegovu naredbu i naglo krenuo sa vozilom prema njemu, zbog čega se Franjo povukao unazad kako bi izbjegao da ga to vozilo udari, pri čemu je iz futrole izvukao službeni pištolj marke „HS-Ba 24“ serijskog broja: ..., 9x19 i iz istoga ispalio jedan hitac u pravcu zadnjeg lijevog pneumatika njegovog vozila kako bi ga onemogućio u njegovom daljem kretanju i nasrtaju na njega u čemu nije uspio, jer je došlo do kontakta njegove prednje lijeve bočne strane sa lijevom nogom Gavrić Franje koji kontakt je ostavio brisotine prašine na njegovoj lijevoj nogavici uslijed kojeg kontakta je isti pao na zemlju, nakon čega se osumnjičeni sa vozilom nastavio dalje užurbano kretati prema Maglaju magistralnim putem M-17, svjestan da na taj način sprječava službeno lice u obavljanju službene radnje, što je i htio, dakle, silom spriječio službenu osobu pri obavljanju poslova javne sigurnosti i čuvanja javnog reda, koju je poduzela u okviru svojih ovlasti,

čime je počinio krivično djelo sprječavanje službene osobe u vršenju službene radnje iz člana 358. stav 3. u vezi stava 1. KZ F BiH.

pa ga sud na osnovu navedenih zakonskih propisa a uz primjenu odredaba člana 42, 43., 49, Krivičnog zakona Federacije Bosne i Hercegovine

## **O S U Đ U J E**

Na kaznu zatvora u trajanju od 1 (jedne) godine.

U izrečenu kaznu optuženom se uračunava vrijeme provedeno u pritvoru počev od 22.07.2025. godine pa do 03.10.2025. godine.

Na osnovu odredaba člana 199. stav 2. tačka g. u vezi sa članom 202. Zakona o krivičnom postupku Federacije Bosne i Hercegovine optuženi se obavezuje na plaćanje paušalnih troškova krivičnog postupka u iznosu od 100,00 KM koji iznos je dužan platiti u roku od 30 dana od dana pravosnažnosti presude na račun Federacije Bosne i Hercegovine.

Oštećeni Gavrić Franjo se u pogledu oštetnog zahtjeva upućuje da isti može ostvariti u parničnom postupku.

Privremeno oduzeti predmet, pmv. marke A., tamno sive boje, limuzinske izvedbe, sa četvera vrata, bez registarskih oznaka, sa sivim aluminijskim felgama, sa vidljivim oštećenim na karoseriji i bočnim lijevim prednjim i zadnjim vratima i zadnjem lijevom blatobranu u vidu rupe promjera oko 1 cm, vraća se H. S. sin M. iz Šija br. ., općina Tešanj.

## **O b r a z l o ž e n j e**

Kantonarno tužilaštvo Zeničko-dobojskog kantona Zenica optužnicom broj T04 0 KT ... 25 od 24.08.2025. godine, optužilo je H. S. zv. "Z." sin M., da je počinio krivično djelo spriječavanje službene osobe u vršenju službene radnje iz člana 358.stav 3.u vezi sa stavom 1.KZ FBiH.

Sudija za prethodno saslušanje ovog suda je predmetnu optužnicu potvrdio dana 07.08.2025.godine i zakazao ročište radi izjašnjenja o krivici.

Na ročištu za izjašnjenje o krivici optuženi H. S. je izjavio da osporava krivicu za krivično djelo koje mu se stavlja na teret te je predmet proslijeđen postupajućem sudiji radi zakazivanja glavnog pretresa.

Tokom glavnog pretresa održanog dana 03.10.2025. godine optuženi je izjavio da su tačni navodi iz optužnice, da je počinio krivično djelo koje mu se stavlja na teret optužnicom Kantonalnog tužilaštva Zeničko-dobojskog kantona Zenica te da priznaje krivicu za krivično djelo koje mu se stavlja na teret te izrazio kajanje.

Priznanje optuženog H. S. je potpuno te je u skladu sa dokazima u spisu i to: Zapisnik o uviđaju MUP, Uprava policije, SKP broj ... od 19.07.2025. godine, Zapisnik o dobrovoljnoj predaji-privremenom oduzimanju predmeta i popisu oduzetih predmeta PU IV, PS Doboj Jug, broj ... od 19.07.2025. godine, sa Potvrdom o privremenom oduzimanju predmeta PU IV-PS Doboj Jug broj ... od 19.07.2025. godine, Službena zabilješka MUP, Uprava policije, SKP, broj ... od 23.07.2025. godine, CD-R sa natpisom: Snimak nadzorne kamere „Duga Ideal“, 18.07.2025. godine, Rješenje MUP ZDK, Uprava policije, broj ... od 12.07.2022. godine (interni premještaj policijskog službenika Gavrić Franje),Rješenje o rasporedu policijskog službenika (Kahrimanović Mehmed) MUP ZDK, Uprava policije Zenica broj ... od 26.03.2019. godine, Raspored rada za petak 18.07.2025. godine, PS Doboj Jug,Patrolni nalog za obavljanje poslova kontrole i regulisanje saobraćaja br. ... br. ., PS Doboj Jug, za dan 18.07.2025.g. za Kahrimanović Mehmed-Gavrić Franjo, sa Izvještajem i spiskom kontrolisanih motornih vozila, Operativna potraga za licem MUP ZDK broj ... od 20.07.2025. godine/S. H., Izvještaj o radu rukovodioca smjene za dan 18/19.07.2025. godine, PU IV, PS Doboj Jug, sa potpisom starijeg narednika Ogrić Taib, Uputnica u bolnicu broj ... od 18.07.2025. godine, Odjel Psihijatrija, na ime Franjo Gavrić, sa potpisom dr Marija Nikolić, doktor medicine, Prijava o ozljedi od 18.07.2025. godine na ime Franjo Gavrić, broj UR-..., od 18.07.2025.godine, potpis ovlaštenog lica dr Marija Nikolić, doktor medicine, SHMP Doboj Jug, Rezultati ispitivanja Dräger, alko-test, lokacija Mravići, za lica Gavrić Franjo 2x, Kahrimanović Mehmed 2x, sve od 18.07.2025. godine, Potvrda o privremenom oduzimanju predmeta PU IV-PS Doboj Jug broj ... od 22.07.2025. godine (na ime H. S.), Zapisnik o dobrovoljnoj predaji-privremenom oduzimanju predmeta i popisu oduzetih predmeta PU IV-PS Doboj Jug broj ... od 22.07.2025. godine, (PMV Audi oduzeto od lica H. S.), Fotodokumentacija uviđaja MUP-a ZDK broj: ... od 18 i 19.07.2025. godine, Crtež lica mjesta broj: ... od 18 i 19.07.2025. godine, Tovarni list od 21. na 22.07.2025. godine broj:..., Izvod iz operativne evidencije na ime H. S. od 22.07.2025. godine koja dokumentacija je dostavljena aktom UP Zenica broj: ... od 30.07.2025. godine, Podaci iz prekršajne evidencije za fizičko lice PS Doboj Jug ZDK, od 22.07.2025.godine, na ime H. S., Izvod iz kaznene evidencije PS Tešanj ... od 22.07.2025. godine za lice H. S., Zapisnik o saslušanju svjedoka-oštećenog Gavrić Franje Uprava policije, MUP ZDK, broj ... od 19.07.2025. godine, Zapisnik o saslušanju svjedoka-K. M. Uprava policije, MUP ZDK, broj ... od 19.07.2025. godine; Zapisnik o saslušanju svjedoka

A.E. PS Doboj Jug, broj ... od 19.07.2025. godine; Zapisnik o saslušanju svjedoka M. S. PS Doboj Jug, broj ... od 21.07.2025. godine; Zapisnik o saslušanju svjedoka S.S. PS Doboj Jug, broj ... od 19.07.2025. godine, Zapisnik o saslušanju svjedoka Š. Š. UP Zenica, broj ... od 23.07.2025. godine.

Na prijedlog odbrane provedeni su dokazi: Otpusno pismo Kantonalne bolnice Zenica odsjek muške urgentne psijatrije od 03.07.2020. godine, Otpusno pismo Kantonalne bolnice Zenica odsjek muške urgentne psijatrije od 02.03.2021. godine, Potvrda o rehabilitaciji za period od 04.10.2023. godine do 03.11.2023. godine Centar savremenih inicijativa broj ... od 10.09.2025. godine, Izvod iz matične knjige rođenih broj ... od 06.06.2017. godine, Izvod iz matične knjige rođenih broj ... od 07.07.2025. godine, Izvod iz matične knjige rođenih broj ... od 07.07.2025. godine.

Sud je stekao uvjerenje da je do priznanja krivice optuženog došlo svjesno, dobrovoljno i sa razumijevanjem, da je optuženi svjestan posljedica i obaveza koje proističu iz priznanja krivice.

Iz iskaza policijskih službenika Gavrić Franje datog na zapisnik o saslušanju svjedoka broj: ... od 19.07.2025. godine, te iskaza policijskog službenika Kahrimanović Mehmeda datog na zapisniku o saslušanju svjedoka broj: ... od 19.07.2025. godine, koji policijski službenici su označenog dana postupali po patrolnom nalog PS Doboj Jug broj: ... od 18.07.2025. godine kao ovlaštena službena lica nesumnjivo proizilazi da je oštećeni Gavrić Franjo tokom svog policijskog postupanja u namjeri da izvrši zaustavljanje i kontrolu vozila marke „A.“ sive boje, slovenačkih registarskih oznaka kojim je upravljao optuženi, izdao rukom jasnu naredbu optuženom da se ne pomjera sa svojim vozilom na što se on oglušio i krenuo sa vozilom prema njemu bez zaustavljanja, zbog čega se on morao povući unazad i pucati iz pištolja u predjelu zadnje lijeve gume njegovog vozila kako bi on stao sa vozilom, a koje činjenice proizilaze i iz iskaza saslušanog svjedoka M. S., datog na zapisniku o saslušanju svjedoka broj: ... od 21.07.2025. godine. Iskaze svjedoka u cijelosti potkrepljuje video snimak sa nadzorne kamere izuzet tokom uviđaja na objektu firme „Duga Ideal“ u Mravićima. Također i iskaz svjedoka S. S., koji je tom prilikom bio u društvu sa osumnjičenim, potvrđuje da je osumnjičeni H. S. učinio krivično djelo za koje se tereti,

Pošto je optuženi na glavnom pretresu izjavio da priznaje krivicu, te da je svjestan svih posljedica i obaveza koje proističu iz priznanja krivice kao i da u spisu postoji dovoljno dokaza o krivici optuženog, to je sud prihvatio njegovo priznanje.

U ovakvim radnjama optuženog stekla su se sva bitna obilježja krivičnog djela sprječavanje službene osobe u vršenju službene radnje iz člana 358.stav 3.u vezi sa stavom 1. KZ FBiH.

Obzirom da ne postoje okolnosti koje isključuju krivičnu odgovornost optuženog sud je optuženog oglasio krivim za navedeno krivično djelo i osudio ga kao u izreci presude.

Prilikom odlučivanja o vrsti i visini krivično pravne sankcije, sud je primjenom odredaba člana 49. Zakona o krivičnom postupku Federacije Bosne i Hercegovine cijenio

olakšavajuće i otežavajuće okolnosti na strani optuženog koje su od značaja za odmjeravanje kazne.

Od olakšavajućih okolnosti na strani optuženog sud je cijenio činjenicu da je optuženi priznao izvršenje krivičnog djela koje mu se stavlja na teret i time doprineo bržem okončanju krivičnog postupka, odnosno njegovoj ekonomičnosti i efikasnosti, da je izrazio kajanje za počinjeno krivično djelo, njegove lične i porodične prilike, da je otac troje djece.

Kao otežavajuću okolnost na strani optuženog sud je cijenio činjenicu da je optuženi osuđivan za krivična djela.

Cijeneći navedene olakšavajuće i otežavajuće okolnosti na strani optuženog H. S. sud je odlučio kao u dispozitivu ove presude smatrajući da će se i sa kaznom zatvora koja je odmjerena u najnižem iznosu kazne zakonom propisane za navedeno krivično djelo u trajanju od 1 (jedne) godine postići svrha kažnjavanja predviđena članom 42. KZ F BiH i da je takva krivično pravna sankcija srazmjerna stepenu društvene opasnosti krivičnog djela i krivične odgovornosti optuženog kao i ličnosti optuženog i da će se sa izrečenom kaznom postići opšta svrha kažnjavanja, kako sa aspekta generalne tako i specijalne prevencije.

Prilikom izricanja kazne zatvora u najnižem iznosu kazne koja je propisana za navedeno krivično djelo sud je kao olakšavajuće okolnosti cijenio činjenicu narušenog zdravstvenog stanja optuženog dokaze odbrane koji se odnose na zdravstveno stanje optuženog.

Uvidom u priloženu medicinsku dokumentaciju sud je utvrdio da je kod optuženog H. S. dijagnosticirana bolest emocionalno nestabilna ličnost-borderline F60.3 te namjerno samoozljeđivanje vješanjem X70 te da je više puta liječen na odsjeku muške urgentne psihijatrije Kantonalne bolnice Zenica.

Uvidom u potvrdu Centra savremenih inicijativa Hadžići od 10.09.2025.godine sud je utvrdio da je optuženi boravio u navedenom centru savremenih inicijativa Hadžići na rehabilitaciji u periodu od 04.10.2023.godine do 03.11.2023.godine.

Cijeneći subjektivni odnos optuženog prema počinjenom krivičnom djelu, ocjena je suda da je optuženi krivično djelo počinio sa umišljajem.

Umišljaj za izvršenje krivičnih djela proizilazi iz činjenice da je policijskih službenika Gavrić Franjo izdao rukom jasnu naredbu optuženom da se ne pomjera sa svojim vozilom na što se optuženi oglušio i krenuo sa vozilom prema njemu bez zaustavljanja, zbog čega se Gavrić Franjo morao povući unazad i pucati iz pištolja u predjelu zadnje lijeve gume njegovog vozila kako bi on stao sa vozilom nakon čega je optuženi pobjegao sa lica mjesta i bio u bjekstvu ... od 22.07.2025.godine. Dakle, osumnjičeni je bio u bjekstvu u vremenu od 18.07.2025.godine pa do 22.07.2025.godine i krio se od organa gonjenja sve dok od strane policijskih službenika PS Doboju nije pronađen i lišen slobode.

Oštećeni Gavrić Franjo se u pogledu oštetnog zahtjeva upućuje da isti može ostvariti u parničnom postupku.

Privremeno oduzeti predmet, pmv. marke A., tamno sive boje, limuzinske izvedbe, sa četvera vrata, bez registarskih oznaka, sa sivim aluminijskim felgama, sa vidljivim oštećenim na karoseriji i bočnim lijevim prednjim i zadnjim vratima i zadnjem lijevom blatobranu u vidu rupe promjera oko 1 cm, vraća se H. S. sin M. iz Šija br. ., općina Tešanj.

Na osnovu odredaba člana 199. stav 2. tačka g. u vezi sa članom 202. Zakona o krivičnom postupku Federacije Bosne i Hercegovine optuženi se obavezuje na plaćanje paušalnih troškova krivičnog postupka u iznosu od 100,00 KM koji iznos je dužan platiti u roku od 30 dana od dana pravosnažnosti presude na račun Federacije Bosne i Hercegovine.

**POUKA O PRAVNOM LIJEKU:**

Protiv ove presude dozvoljena je žalba Kantonalnom sudu u Zenici, u roku od 15 dana, od dana prijema iste, putem ovog suda. Žalba se podnosi u dovoljnom broju primjeraka za sud i protivnu stranku.

S u d i j a  
Bajraktarević Zijad